

tibus, e somno excitatus, delectabatur, audiens ibi dulces avium sonos, quasi panegyristarum cantus.

72. Aliquando vero cervi vestigia secutus, in sylva a comitatu suo non conspectus, equo spuma madente, pervenit ad *Tamasum* fluvium, ab eremitis frequentatum.

73. E cujus aqua provenit suavis distinctusque sonus, vasis impletione ortus: ibi ille elephanti barritum suspicatus, emisit sagittam, cum stridore cadentem.

74. Interdictum id erat principi, quod *DASARATHAS* peccans fecit: etenim homines cupiditate occæcati, licet sint legum periti, viam illicitam ingrediuntur.

75. "Eheu, pater!" Hunc clamorem audiens, perterritus caussam ejus, in arundine latentem, quærebat: atque conspiciens vatis cujusdam filium, sagitta transfixum, rex etiam, præ dolore, sagitta quasi perforatus erat.

76. Puer, corpore super hydriam inclinato, a rege, e nobili familia orto, qui de equo descenderat, de stirpe sua interrogatus, interruptis verbis se eremitæ, sed non *Bráhma*ni filium nuntiavit.

77. Rex, a puero compulsus, ne extracta quidem sagitta, ad cæcos parentes eum adduxit, iisque narravit facinus suum, per errorem commissum in unicum ipsorum filium, quem ita invenisset.

78. Conjuges, multa lamentantes, homicidam illum sagittam e pueri pectore extrahere jusserunt: puer animam exhalavit, senex vero, manus lacrymis humectans, regi imprecatus est:

79. "Tu quoque in extrema ætate filii mœrore e vita excedes!" Ita locuto illi, veluti serpenti, qui pede calcatus venenum emittit, *Kosalæ* rex, qui prius illum læserat, sic respondit:

80. "Benigne has diras mihi imprecaris, quoniam non conspexi filii os, loti instar splendens: ignis, ligno accensus, urens etiam, tellurem arandam seminis surculorum genitricem reddit.

81. "Hæc cum acciderint, quidnam faciam tibi ego, misericordia destitutus, qui mortem a te merui?" Ita interrogatus a rege, ere-